

ACTA

Expediente núm.:	Órgano colexiado:
PLN/2020/4	O Pleno

DATOS DE DESENVOLVEMENTO DA SESIÓN	
Tipo Convocatoria	Extraordinaria Motivo: «Solicitud de celebración de Pleno Extraordinario por parte dunha cuarta parte do número legal de membros da Corporación»
Data	21 de maio de 2020
Duración	Desde as 21:10 horas ata as 0:03 horas
Lugar	PARTICIPACIÓN A DISTANCIA
Presidida por	FÁTIMA ABAL ROMA
Secretario	MIGUEL RODRIGUEZ DE VICENTE-TUTOR

ASISTENTES (17):

PSDG-PSOE (4): D^a María Cruz Leiro Peña, D. Samuel Lago Ozón, D^a Milagros Martínez Piñeiro e Sra. Alcaldesa.

SOMOS CAMBADOS (3): D. Xurxo Charlín Trigo, D. Constantino Cordal Rodríguez e D. Fernando Patricio Rey.

B.N.G. (2): D. Víctor Manuel Caamaño Rivas e D^a Mariel Oubiña Vázquez.

P.P. (7): D. Luís Aragunde Aragunde, D^a María Isabel Fole Trigo, D^a Sonia Agra Piñeiro, D. Juan Ramiro Gómez Blanco, D^a María del Mar Núñez Chaves, D^a Silvia Fernández Pérez e D^a Nerea Pintos Castro.

CAMBADOS PODE (1): D. José Ramón Abal Varela.

Unha vez verificada polo secretario a válida constitución do órgano, o presidente abre a sesión, polo que se procede á deliberación sobre os asuntos incluídos na orde do día.

A) PARTE RESOLUTIVA



1.- Expediente 1538/2020. Declaración institucional e medidas relacionadas coa crise sanitaria do Covid-19

Dáse conta do escrito presentado polo Grupo Municipal do Partido Popular, no que se recolle o seguinte:

“EXPOSICIÓN DE MOTIVOS

España sufríu dende febreiro ata o día de hoxe, entrado o mesde maio a maior crise de saúde pública dende 1920, consecuentemente estamos atravesando xa unha crise económica e social que aínda se agudizará mais, según os expertos. Por elo, dende o grupo municipal do Partido Popular de Cambados, entendemos que é precisamente nestas situacións candose deben poñer en marcha actuacións e toma de decisións que estén a altura das circunstancias, para este cometido unha das primeiras accións que se debe realizar no Concello é a celebración dun pleno extraordinario, para que todas as forzas políticas do municipio se unan e acorden nun órgano colexiado, como é o pleno municipal, unha serie de medidas para asegurar o benestar e a boa saúde dos veciños, ademáis de apostar pola revitalización da economía local.

O goberno de España declarou o estado de alarma mediante o Real Decreto 463/2020 de 14 de marzo, que entrou en vigor o domingo 15 de marzo debido á situación sanitaria que estaba sufrindo esta nación con 120 falecidos e 4.209 contaxiados xa o venres 13.

A declaración do estado de alarma e a situación de emerxencia sanitaria estableceron a suspensión ou limitación dun número importante de actividades sociais e económicas, así como restriccións na mobilidade das persoas (a través do Real Decreto 463/2020) ante o risco para a saúde pública que supón a propagación deste virus.

Precisamente o venres 13 de marzo de 2020 publicouse no DOG o Acordo do Consello da Xunta de Galicia polo que se declaraba a situación de emerxencia sanitaria ante a evolución da epidemia do coronavirus COVID-19 na nosa Comunidade Autónoma, que daquela contaba con 7 pacientes ingresados en UCI, 26 en unidades de hospitalización, 79 no domicilio e ningún falecido.

A tardanza no peche das fronteiras, a autorización de eventos multitudinarios nos primeiros días de marzo, a indecisión no aillamento dos territorios que contaban ao inicio da crise cun alto número de positivos ou os retrasos e erros derivados da compra centralizada de produtos sanitarios poden ser factores que expliquen que España lidere o ranking mundial de falecidos por habitante. E detrás desas frías cifras hai milleiros de españois que faleceron sen poder despedirse dos seus seres queridos e esa mesma soidade a padeceron tamén no momento do seu soterramento. Dende este grupo municipal queremos testemuñar todo o noso apoio e solidariedade a esas familias, así como o recoñecemento a todos os profesionais da saúde, dos servizos sociais, da seguridade pública e dos restantes servizos esenciais e a todos os voluntarios que están contribuíndo co seu labor a paliar ou minimizar os danos causados por esta pandemia. Por todos eles, agora é o momento da unidade.

Todas as administracións debemos traballar coa máxima lealdade e coordinación para implementar, dentro do noso respectivo marco competencial, medidas que garantan a seguridade e a saúde dos cidadáns, así como tamén aquelas que contribúan a minimizar o impacto económico e social derivado da crise sanitaria.

Este grupo municipal entende que se tiñan que realizar reunións telemáticas xa no mes de marzo, e presenciais no mes de abril coas medidas oportunas, de igual xeito que se reúnen os deputados no congreso ou no parlamento galego.

O primeiro contacto con todos os concelleiros/as foi o 20 de abril para unha “posta a punto” ou proba de conexión telemática. Foi aínda 10 días despois cando se celebra a primeira reunión de voceiros municipais, polo tanto, mes e medio despois do inicio do estado de alarma.

O Partido Popular con espírito constuctivo foi aportando propostas e ideas que se deberían realizar por parte do goberno municipal, que se tiñan que realizar xa dende os primeiros días de confinamento pero que non se executou así. Tarde, pero algunhas foron postas en marcha posteriormente polo goberno aínda que con boa intención, foron insuficientes.

Nós debemos velar porque o noso concello, en función das nosas disponibilidades orzamentarias e persoais, e dado o seu carácter de administración máis próxima ao cidadán,



preste a millor atención posibl aos colectivos máis vulnerables, así como aos sectores máis castigados por esta pandemia co obxectivo de que a recuperación económica e social se produza á maior brevidade posible.

Polo exposto, o Grupo Municipal Popular no concello de Cambados, presenta para este pleno extraordinario a seguinte

PROPOSTA DE ACORDOS

1. Amosar o pésame desta Corporación ás familias das persoas falecidas durante esta pandemia, así como o noso apoio e recoñecemento a todos os profesionais da saúde, dos servizos sociais, da seguridade pública e dos restantes servizos esenciais e a todos os voluntarios que están contribuíndo co seu labor a paliar ou minimizar os danos causados polo COVID-19.

2. O concello de Cambados aprobará e implantará, a través dos correspondentes órganos competentes, e con respecto a legalidade vixente as seguintes medidas:

- a) Reforzar as partidas orzamentarias en materia de servizos sociais e promoción económica nas contías necesarias para facer fronte aos gastos do COVID.*
- b) Reforzo da atención, para elo, a contratación de persoal para os servizos sociais municipais e seguemento e suministro de produtos básicos ás persoas maiores e dependentes e colectivos vulnerables e das axudas para gastos de aluguer e entregas de tarxetas de compra para adquisición de comida en tendas ou supermercados e implantar un sistema de reparto a domicilio dos mesmos naqueles casos que sexa posible.*
- c) Aprobación dun plan de apoio ás entidades sociais que traballan cos colectivos economicamente máis vulnerables e na loita contra a violencia machista.*
- d) Reforzo dos servizos de limpeza e planificación diaria das tarefas de desinfección en rúas, edificios públicos, e en particular do mobiliario urbano máis susceptible de propagar o virus. No desenvolvemento destas tarefas solicitarase o apoio da Deputación Provincial.*
- e) Concesión extraordinaria de solicitudes de aprazamento ou fraccionamento de pago de prezos públicos e taxas locais e impostos municipais ás familias que o necesiten, e tamén aos afectados polo decreto de cese de actividade empresarial non esencial.*
- f) Exención do pago de taxas e impostos ás familias mais vulnerables igual que a autónomos e pemes deste municipio.*
- g) Axilización do pago de certificacións de obra ou outro tipo de facturas pendentes, así como redución dos tempos medios de pago a provedores, especialmente a autónomos ou pemes.*
- h) Impulsar o inicio e a tramitación dos expedientes administrativos de contratación proxeitados para este exercicio e pendentes de contratar do exercicio pasado, así como axilizar os procedementos pendentes de adjudicación co obxectivo de reactivar a actividade económica e blindar o emprego.*

3. O seguimento e a verificación do cumprimento das anteriores medidas incluírase como un punto específico da orde do día das vindeiras sesións plenarias desta Corporación municipal."

Sometido a votación o Pleno, por oito votos a favor dos concelleiros integrados nos grupos municipais do PP e grupo mixto Cambados Pode e nove abstencións dos grupos municipais do PsdeG-PSOE, Somos Cambados e BNG adopta o seguinte,

ACORDO:

1. Amosar o pésame desta Corporación ás familias das persoas falecidas durante esta pandemia, así como o noso apoio e recoñecemento a todos os profesionais da saúde, dos servizos sociais, da seguridade pública e dos restantes servizos esenciais e a todos os voluntarios que están contribuíndo co seu labor a paliar ou minimizar os danos causados polo COVID-19.

2. O Concello de Cambados aprobará e implantará, a través dos correspondentes



órganos competentes, e con respecto a legalidade vixente as seguintes medidas:

a) Reforzar as partidas orzamentarias en materia de servizos sociais e promoción económica nas contías necesarias para facer fronte aos gastos do COVID.

b) Reforzo da atención, para elo, a contratación de persoal para os servizos sociais municipais e seguemento e suministro de produtos básicos ás persoas maiores e dependentes e colectivos vulnerables e das axudas para gastos de aluguer e entregas de tarxetas de compra para adquisición de comida en tendas ou supermercados e implantar un sistema de reparto a domicilio dos mesmos naqueles casos que sexa posible.

c) Aprobación dun plan de apoio ás entidades sociais que traballan cos colectivos economicamente máis vulnerables e na loita contra a violencia machista.

d) Reforzo dos servizos de limpeza e planificación diaria das tarefas de desinfección en rúas, edificios públicos, e en particular do mobiliario urbano máis susceptible de propagar o virus. No desenvolvemento destas tarefas solicitarase o apoio da Deputación Provincial.

e) Concesión extraordinaria de solicitudes de aprazamento ou fraccionamento de pago de prezos públicos e taxas locais e impostos municipais ás familias que o necesiten, e tamén aos afectados polo decreto de cese de actividade empresarial non esencial.

f) Exención do pago de taxas e impostos ás familias máis vulnerables igual que a autónomos e pemes deste municipio.

g) Axilización do pago de certificacións de obra ou outro tipo de facturas pendentes, así como redución dos tempos medios de pago a provedores, especialmente a autónomos ou pemes.

h) Impulsar o inicio e a tramitación dos expedientes administrativos de contratación proxectados para este exercicio e pendentes de contratar do exercicio pasado, así como axilizar os procedementos pendentes de adjudicación co obxectivo de reactivar a actividade económica e blindar o emprego.

3. O seguimento e a verificación do cumprimento das anteriores medidas incluírase como un punto específico da orde do día das vindeiras sesións plenarias desta Corporación municipal.

E non tendo máis asuntos que tratar, a Sra. Alcadesa da por rematada a sesión, na data e hora indicada no encabezamento, de todo o que eu como secretario, dou fe extendendo a presente acta, a reserva dos termos que resulten da súa aprobación, segundo o disposto no artigo 206 do R.O.F.

DOCUMENTO ASINADO ELECTRONICAMENTE

